

31 JUL 2002

LID-Tiba (Mauritius)/I

PERDANA MENTERI MAURITIUS TIBA DI LANGKAWI UNTUK GLOBAL 2002

LANGKAWI, 31 Julai (Bernama) -- Sir Aneerood Jugnauth, Perdana Menteri Mauritius, tiba di sini hari ini untuk menghadiri Dialog Antarabangsa Perkongsian Pintar Global 2002 selama empat hari, mulai esok.

Sir Aneerood dan isterinya, Lady Sarojni, tiba di Lapangan terbang Antarabangsa Langkawi pada pukul 2.30 petang.

Pemimpin Mauritius itu merupakan ketua negara kedua yang tiba di sini untuk menghadiri dialog itu.

Menteri Kewangan dan Perancangan Pembangunan Botswana, Baledzi Gaolathe merupakan pegawai tertinggi pertama yang tiba semalam.

Global 2002 juga membabitkan Dialog Antarabangsa Langkawi (LID), Dialog Antarabangsa Selatan Afrika (SAID), dan Dialog Antarabangsa Timur Afrika (EAID).

Global 2002, yang dijangka memberi perhatian kepada isu keganasan, ekonomi global dan sosial, akan dirasmikan oleh Perdana Menteri Datuk Seri Dr Mahathir Mohamad di Pelangi Beach Resort di Pantai Chenang esok.

-- BERNAMA

NH MKO SHY TS LAT